

Patrie dal Friûl

SFUEJ SETEMANAL INDIPENDENT

DIREZION E AMMINISTRAZION: UDIN - BORC DI FRAMPAR, 18 - TEL. EFON. N. 118

Abbonament: par un an 1000 fr.; par sis mès 600

NÛL O FUMATE? A torzeon pal Bas Tirôl

Il ricognement de Region Furlane de bande de seconde Sot-comission da l'Assemblee Costituent a t'ornade a inviolâ la polemiche che leve squasi distudant, sui nestris sfueis. Di une bande al è chel grop di Pordenonês, che celiu miôr rusea in còce che no fies, che cunò 'e uolia fâ fûc e flame parvle che la lôr prove 'e ja lade struce. Di ch'altre 'e son simpri i devot da l'unitât che viodin par ajar cui so ce burlâz cuntri des lôr fismis patriotichis, par ordî che l'ordenament regionâl al va cjapant pit soti te publiche impinion, sedi tai ambienz responsabîj di Rome. E alor 'e sùn in pal timp.

L'avocat Linusse, che nol pò dismentâ l'onôr ch'al à vut di ricoverâ in cjas sò nujemanen che la Maestât dal Re Vittorio, al si mostre simpri plui ingussât denant de plêa che lis robis 'e vadin cjapant ill par di. L'ultime cjacarade ch'al à publicade sul « Messaggero Veneto » dal di di Nadâl, 'e je date une invocazion di jutori cuntri il pericol di lâ in fâs, che l'Italie 'e còr in chest moment. E cheste volte l'av. Linusse, restant tal cercl de lû specifiche competenze di jurist, al viôt la quistion avonde clare, nome che la viôt par traviers dai ocjai neris di un pessimismo disperât. Chei pericul che lui al met in evidence, 'e an qualchi pòc di consistenze, e juste par chel i legisladôrs, che no saran — 'o sperin — duc' scapozzocis, 'e savaran proviodi tal determinâ in vie pasitive lis formis e lis limitacions des autonomis regionâls talianis. Dal arest, no si trate di navigâ tal scûr, no si trate di ordenament di gnove fate. 'E son n. pis, in Europe e fûr da l'Europe, nazions o stâz ordenâz in forme federalistiche ançe plui largje di chel che si oies dâ a l'Italie, e lu massun di ches' stâz no si verificin lis cunsequenzis disastrôs che l'av. Linusse al prospiete. La Svezia, par esempi, no je lontane, no je grande, no à risorsis naturâls, no à omogenitât nè di razze, nè di lenghe, nè di religion, e nancje dal dut di storie, 'e je dividude in cjantons sul criteri de nazionalitât, de lenghe, de storie e cun dut achest 'e va indenant benon. Noaltris — no in vin mai tignût scuindût — 'o vin pocjute stime de serietât e de cussienze publiche dai talians: ma l'av. Linusse a 'nd'â mancul di nò. Al à pore che, une volte creade un fregul di autonomie regionâl, i talians 'e vadin di cjapâ gust a fâ lez cuntri il lôr interes, a dâsi la sape sui pis, a fâsi dispiez tra di lôr, a dogrâ la libertât quistade, cuntri di lôr stes. Ma dulà che si trate dai propri interes, ch'al si met il cûr in pês, nancje i talians no saran tant ufieji!

'E son in Italie altris divisions che rûmpin ogni unitât di sbarz je ricostruzion, che taju lis gjambis a duc' chei varesin vocontât di là indevant, che semenin nome oûs e incomprensions, che an di za puartât dâms plui grane' di chei che i unitaris si spietin dal ordenament autonomistic: 'e son chês dai partiz politics. E noaltris 'o sperin propri che il frazionament regionâl al fâsi stantâ un fregul chês furlanis che cunò si cunsûmin in tune loto cence risultât e cence speranza. 'O sperin che almancul cull, tra i furlanis che son int pacifiche par temperament e buine di resonâ e di rindisi denant da l'evidenze des cjôis, la riprese 'e

puaci inviât sul fondement di une concuardie di spirz e no su chel di un equilibri instabil di fuarçis contrariis, come che si lu viôt in zornade di uè: equilibri ch'al puarte cun sè nome impotenze e inerzie, cunsûmant dutis lis energjis e lis risorsis a mantignisi in vite, cence che al vazi nuje par pensâ a dutis lis necessitât che nus cjâpin pal cucl.

Il passât, blanc e neri ch'al sedi, al po' siarvî di scuele a cui ch'al si capillu: nol po' jessi un travat par nissune persone di zucje; par cò che la storie 'e zire — 'e uolin di — atôr atôr, ma no torne mai su la sô ferade.

“AIAR DI SOT,”

A duc' chei che cjatin qualchi volte masse garbut il lengaz dal nestris giornâl, 'o din un consej: che si provin a lèj qualchi volte il sfuej dal Moviment d'Indipendenza Sicilian « Ajar di 'Sot (Vento di Sud) » e ur tocjâ di ricognissi che noaltris 'o sin polezzocis in confronto.

No vin nissune intezion di lû a scuele des bandis dal tropic, 'e 'o saressin propit contenz tan'che mai, di podê simpri tratâ duc' 'e dul cu lis manezis di viâl. Ma la quistion 'e je cheste, che in zornade di uè cu la biele maniere e cu l'educazion no s'imbrucje nuje e nome cui ch'al sa fâ ançe la vòs grasse e molâ qualchi pocade tai flancs al rive adore di fâsi scollâ. Al è dibant fâj acjâr al mus: al al il stombli par movile un fregul.

E alor lis animutis dilicadsi che nus perdônin se qualchi volte nus tocje di sgrignâ, di muarâ e di molâ pidadis: a ognidun si scucl jervê in chel lengaz ch'al capis. « Ajar di Sot » al trate de Sicilie e des virtûz dai sici abitanz in liarmis che noaltris no zin mai ol-sât doprâ sul cont de Furlanie e dai furlanis, par cò che 'e vin la viste clare e 'o viodin cangje des buinis qualitât dai nestris fradris ançe chês tristis, ançe i difici: ma no 'oressin che quacchidun al podes pensâ, par chel, che la nestra cause 'e sedi mancul iuste e mancul metorie di jessi sustignude e cjapade sul serio e mancul madure. 'O vioderês che l'ajar di sore al à fuarce e vite tante ch'and'âl e al è bon di soflâ plui a lunc e di becâ plui in dentri di qualunque ajar di sot.

'O soi stât a fâ Nadâl tal Bas Tirôl: lis Weihnachten, al vignares a staj. 'O jeri stât di chês bandis dal '42, quan'che, par amôr e par fuarce, l'Alt Adige al jere talian, o almancul plen di talians. Varnestri talians a'nd' ancjemò, ma 'e an gambiade sunade; e dut il pais al pâr ch'al vebi un'altre muse. Al sarâ ançe parvic che chêt altre volte al jere d'istât. E nol jere ancjemò stât nissun bombardament.

Cunò si lasse Verone, corint tra lis maseris e lis busis des bombis apene sbortadis di nêf, si passe tra maseris e busis di bombis di lunc fôr, e si dismonte a Bolzan, tal mîr des maseris. A Bolzan un grum di cjasis 'e son za tornadis a fâ sù, un grum 'e son in vore, ma lis distrucions 'e son stadis tantis che quasi no s'incarnizis des ricostrucions. Nome Trevis al po' dâ une idêe di chêt desolazion.

Ma la popolazion, almancul in chestis fiestis, 'e pâr legre istesi unun 'e son ben-vistûz e intabarz, 'e feminis 'e sprochin intôr des barachis cjamadis di pomis, lis fantatis e lis frutis 'e passin vie contegnôis, squasi dutis cu lis braghesis paradisi dentri tai scarpons e lu cjaveade discuviarte. Lis mostris des buteghis 'e an di dut, se no altri un presapi cui pipins di Val Gardene.

Dutis lis scritis, tes stazions, tes locandis, su lis buteghis 'e son i dôs lenghis: manifest' pai mûrs 'e son un pòs par fate, plui par todesche che no par talian. Tes glêsîs si sint a preâ a a pridicjâ squasi nome par todesco: tant, i talians no vadin trop in giesie. I sfurçis locaj 'e son squasi duc' todescs: il clerical Dolomiten, la independente Bozener Zeitung, il democratic Süd-

tiroler Wochenblatt... di talian al è il sfuej dal Comitât di Liberazion Alto Adige, e al rive qualchi quotidian de Lombardia e lis rivistis illustradis.

Meran nol a vût dâms dai bombardament, ma a' è diventât dut un savatori: i grane' o'fitej 'e son uspedaj. Un grum di talians mandâz su dai pais sinistrâz si rondolin pes stradis, mal vistûz e plens di frêt. Ches' dis al è ançe scjars il pan. Une precisison di disgraciâ e di canajute cragnose e pezzotose 'e còr cun gamelins e pignaz a cjoil la mignestre dal Pape indult che jere la casarme dai bersagjirs. I alpini dal sest regiment, ch'è an di jessi stâz reclutâz a... Posillipo, 'e van atôr cu la gavete in man, sgli-ziant su la nêf e messede dal fruz di Cassino. I meranês 'e passin dârs e infastidiz, cence nancje cjâlaj, parant vie cul pit lis scussis dai naranz e lis cjartis che talians 'e batin sui marcepit. 'O cuchi doi stradari che netin vie la nêf: violê e vistûz malamentri a la todesche: squasi mi consoli di viodint doi fûr di sest. 'O passi dongje e jr sint che blestemîn: talians an-cje chei.

Di politiche si fevele pòc: atôr des taulis des gasthousen, nome fra todescs e fra talians. I todescs 'e fevelin solvôn cu la lôr calme; i talians 'e sberghelin secont il âr solit declamant, cu lis mans, lufanis cence mani.

Lis dôs razzis 'e vivin une dongje l'altre, ognidune par so cont, ognidune secont il so costum, ceade incuintrâsi, squasi cence cjallâ: i todescs cur muse dure e barete fracade, i talians cun stizze e zûn velen. 'O al provât a fâ qualchi scandaj ca e là. Nuje: il gno to-

(e va indenant in 2. pagina)

CUI TRADISSIAL LA STORIE?

Dopo dut chel ch'è vin scrit in par ches' sfuej, dal di ch'al è nasût in ca, noi meriaves una sele po-rauc di rispuete chel sior Sandro Rosso che su la « Libertà » dal 27 di ches' mès al à publicât che biele sfilze di bufulis cuntri da l'autonomie furlane.

In sostanze chel sior al fabriche, par difindî la cause de Region Venete, une storie dal Friûl gnove di plante fûr, une storie dulà che i furlanis no son furlanis ma vèniz, e Vignesie 'e je la mari dal Friûl. Une mari, ançe chêt, nasude un biel piezzut dopo dai fis, anet in qualche misure fîe dai sici fis! E ches' 'e sâres ologjico elementâr.

Ma no son i furlanis che si a utoproclâmîn storicamentri a etnicamentri estranis a Vignesie: 'e son duc' chei che di storie e di etnografie furlane o vèute si son interessâz fintremâ al 27 di dexembar di ches' an. E massimo chei Venezians che no uolia sporcjâsi la gje-chete cul tocjâ i contadins e i po-

lentions dal Friûl. « Dime ladro, dime can, ma no sta dirme furlan ». Lu sacin e lu tignin a mens!

Paraltri al sior Rosso, la storie in fonz no impuarie trop. A lui al impuarie che nissun al meti tes mans dal nemî — ch'al vignares a jessi cheste volte il popul de Sclavanie — un argument periculôs. Ançe se la storie, la realtât, la veretât 'e fos che furlans e sclas 'e vignissin di chêt stesse zocje, no si vares mai di dilu: si vares di sustignî il contrari par cò che « ogni uarp al zist cetant periculôs ch'al sâres ches' resonament.

Eco cemât che je stode fute a insegnaide la storie d'Italie, di un secul in ca'. Nol è nû ce ch'al è vèr, ma ce che pal moment al comode ai politicanz.

Ma noaltris no si vin mai insu-viât di clamâsi sclas. Prime che i sclas 'e rivassin cull di là, su lis manz ch'è vin par cunfin, il Friûl al vore za une s. fisianumie gl-uiche (colto-latine e no vèniz),

une sô muse, il so nòn e dal sigûr ançe i prins liniamenz dal su lengaz. E se dopo di chêt volte grops di popolazion sclase a colonis 'e son stadis clamadis o lassadis penetrâ te region, cul passâ dai agn e dai secul si son messedadis e piar-dadis tai element furlan, in maniere che di lôr nol reste che qual-chi cognon o qualchî non di pais. E ches' assorbiment al è un inde-nant, a plan a plan, ançe cunò sul cunfin etnic des dôs razzis.

Paraltri te region furlane 'e restin cunpindâz miârs e miârs di sclas, e ançe qualchî miâr di todescs: ançe se al sior Rosso no i va a plomp. Ei furlans, che son int aronde pacifiche e pusitive, int di lavôr e no di cjacaris, int pratiche e cence tropis fisimis, 'e san tratâ come che van tratâz ançe ches' coabitanz e no intindin di là indenant, cun lufanis nazionalistichis, cuntri di lôr, par fa un plâs ai l'eviz o che 'altis talians. Par chel 'e uolin vè libertât di movi-menz, par chel 'e domândin un or-

denament ch'al garantissi il respit e la justizie a ches' minoranzis, che no an nissun cefâ cui nimis de civiltât occidental che fasin sgrisulâ Sandro Rosso; ma cui furlans, vœ o no, 'e an vât simpri e ancjemò 'e an une vore di cefâ. Par chel i autonomisc' furlans 'e fasin justu apont, de lôr cause, une quistion di politiche internazional e no di tecniche amministrative; anzi plui ancjemò une quistion di justizie e di pês. E se il sior Rosso al à pore che la Sclavanie furlane 'e sedi massa comuniste, ch'al si cjali aldr: al po' staj che tal so pais al sedi plui colôr ros che ne in duc' i Cjû-nai de Sclavanie.

E che nol staj mai plui a dî chêt doi tiaz de Furlanie 'e je « misor-rimo » e « improduttiva »; e che i furlans 'e son simpri stâz oblede a emigrâ par vizi. 'E son balis un fregul masse gruessis e nome par vèls ditis al meriaves di jessi mitât in cjastic, in zenoglon dârs de puarte.

A torzeon pal Bas Tirol

(Continuation da 1. pagin)

desce zuet e malmaistât al sa di forest cent mîs di lontan; e alore se si disbotônin. 'E san che une specie di polizie segrete ju ten di vîl e che sta in scolte dai lôr discors.

Paraltri, ale si capis istes, cun tan fregul di nâs.

Intant di quistions di partit no si interessin squasi nûje: su chel cont il lôr zerviel al funzionê diferent di chel dai talians. Ma dai talians no uclin savê nancje dal trentins. O une autonomie complete, — cun tun lôr guviâr cence partiz o cun partiz di altre tressidure — o torni sot da l'Austrie. Lis fabrichis e lis industriis implantadis là dai talians no ur impuartin: lôr 'e son due proprietaris e coltivadôrs o comerciant o locandîrs. Lis industriis furlanis 'e dan lavor a une sdrume di imigrâz talians, massime vent, no ai tirolês: 'e son stadis implantadis par implemê la region di furesc' e amazzonizabile, no par zovâ al lôr popul. E ancje se ur puatassin un grant vantâz — 'e disin miôr mûr di fan, che no vîri sot dai talians.

Lis autoritât dai stz, metudis

ad dopo par fûr nazional-socialist, 'e fasin sôvie une campagne di ostruzionismo cence remissina, cuintri dal personâl forest impugâz, miedis, professionist. Se pudin, ju mandin a spas cu la scuse che no san fâ il lôr mistir, che na cognossin la lenghe todesce, che na gjordin la stime e la fiducie de popolazion dal stz; se no puedin arâju vie, ju bendônin, ju boicottin, ur dibêin qualunque plase o starvizi, ur tegnin indaûr la pae, disint che lis amministrazioni no an mîez. I predis, che an une grande autoritât, 'e son squasi due a fôr da l'Austrie: 'e disin che il guviâr talian nol dà nissune garanzie di serietât, che i talians capîz in tant tal Bas Tirol 'e an puartât come trist esempli di maleducazion, di imoralitât, di blesteme, di iretiositât e che an uastade avonde a lôr int.

I movimenz autonomistics moderaz, favoriz dal guviâr talian, 'e varan forsit un fregul di seguit tal Trentin, ma te zone todesce nissun va dâur di lôr. Si pô di c'cull la risiscuze passive 'e je za in at. E Rome 'e varâ il so daf a justîs citis.

PIRELLI

La "jene furlane,"

Il fat di croniche nere ch'al a dât plui materie ai sfuejs talians, dopo dal mazzabî di Mussolini, al è stât il delit de contrade di San Grêso a Milan: anzi il delit di Milan. Las fritas di mîds e mîds di feminis e fruz tes cjanis o tai rifugios sot i bombardaments, lis cjanis a gas dai loghiers todescs, lis bombis atomichis, lis foibis, i scandis incontrollâz e tignûs scuindêz dopo de liberazion, e datus lis enormitâts che son stâdis cometudis e che si covevint a l'ombra di une bandiere o di un distintif di qualuncu colôr 'e son egnuris di nûje, dâs ai fruz in confront dai quatir cadavars di Milan. Parê che i amîs, parie des monadis publichis, 'e puedin mandâ a fâ manîs di vocali milions di persenis in tune robe: ma se une disgraziade femine, par versons ancjemo irruzzadis tal mistir, in circostanzis che, invece di stâris, si imbedan ogni di plui, 'e piart la las de reson e il timor di Dîu e si usangane lis mans, dute une zidât 'e sille sâ in pls a urt, a maladât a vîl, e dute une razions s'ingrassâ a lî, di par dî, sui giornis lis fantasias plui stupidis che i cronis di uê 'e son bogns di meti adun.

No intindin difridi ch'è sassine: ma nus fâ stoms la passion che mostin i talians e massime lis talianis de pâssis di chestis curiositâts e la sportis venalitât dai sfuejs che par zondi une risme di cjanis in plui 'e slapagne tal sanc.

Une riviste che lapone sot un non scientific il so caralar di luriastime speculation, 'e publiche ur rivâl de sassine e ur articul di cjanis cence strac, sol un titul a plene pagine: LA JENA FRIULANA. Al par che dute l'Italie 'e sedi contentone di meti bez in vîst a duc' che Rino Forl 'e je nasuude le provincie di Udin.

Peden, si, 'e an reson! Nol impuart: se Rino Forl no à mai fêr lât furlan e se a Budge 'e ferdin furlan tan che a Camicall, nol impuart se Rino Forl fin che je stât a Budge: no à mai fêr mûl a di nissun e se a sburidile su la strade dal delit 'e son stâs umin di altris bandis, e so a fâ la sciove 'e a imparâ a Milan. 'E son datus lujanis.

Se nissun giornâl nol si dimentte di ripeti che je une furlane, de provincie di Udin, al è di che chest 'e je une auxiliât, une raritât.

La croniche nere 'e registre tant di vîl il non di qualche furlan o di qualche furlane, che la circoscrive 'e je interessant pordabon. Napoleons, Sicilians, Romans, Toscani, Lombardi e Emiliani imbedan in fâz di sanc s'în cjanis ogni altre di: no valaris la spês di meti in vîst dontri che son. Ma chesta volte 'e je une furlane! Al par dal impossibil: propit une furlane!

E alore chesta segnalazion insistente 'e je par noaltris une buine testimonianze.

A Pordenon lune ledrose

I "politici" di Pordenon 'e an di sê restâz aronde malapoyz quan' che an le sul giornâl che a Rome 'e jê stâdis ricognossude in autonomia furlane de seconde Solcomission. Cund il solit del pizzul nus conte che i "politici", zensis de "plui grande region rênite", 'e stan preparand ur tarandot di comizis, cun telegrams di proteste bielzâ preparâz, che democraticamente i pordenons 'e aprovaran quan' che i capos ur darân il signâl.

Ce che stan strucant a chei de coco 'e no nus interesse. Ma nus interesse un fregul di vîdi ce c'è Jasarâ il sindic di Pordenon.

Il sindic di Pordenon al scrîf vultâr letaris e telegrams. Par esempl al a scrîf une bielz letare, pês mîs indaûr, a la Filologiche: letare che 'e cûn late cognossî in estrât in l'un numar passât, indaûr ch'al disere a vîca a a region furlane, e cûn al prometere il so interessament di sindic e di deputât par che la region furlane 'e jôs ricognossude.

Pô: timp dopo, cu la stesse convinzion, al a dît a vîca a si siet concitadins ch'è insocavins la Region Vênite, cuintri dancie de region Furlane.

Cund i pordenons, par anôr di

«Vendessia», è mandâr altris telegrams e letaris a Rome. Si 'ores avrê se il sindic al firmarâ ancje ius chesc' telegrams e chescis letaris: e se ju firmarâ, si 'ores savrê se al dopravâ chel stes parâl ch'a a doprât par firmâ la letare mandade a la Filologiche, e se al firmarâ cun chel istês calôr ch'al a aprovat la mozion dal so partit,

quan' che, il 17 olubar, tal teatro «S. Zorzi» di Udin la D.C. 'e a demandât, in un o.d.g., che il Friul al jôs ricognossut region.

In chesci cûs, nu: paravis che a sindic si podarê dâ un sôl ton se j sari: ch'al presentis lis dimissionis, dal moment che nol va a a cordê nê cui siet concitadins, nê cui so partit, nê cun se stes.

g. f.

Ancie tal Cànada la crofe de pulitiche unitarie nus dà reson a noaltris

Al jere propit un babil, ve', chel Turgot! E chel so famos aforisma, che lis colonis 'e an il spês distu des pomis, che quan'ch'è son maduris 'e fasin un plomp abès dal arbul, nus dà ancjemo une volte reton a noaltris.

Duc' 'e cognossin comût ch'al è l'arbit e a travars di ce savoltamenz ch'al a tirât indavant fin cund il Cànada: ju scuvierzerin ai 1495 i venezians Zuan e Bastian Caboto; ju esplorâ il frances Cartier in janc e in jare dal 1508 al 1540; iis Compagnie privilegiadis, risarvadis al marcjedanz, che jerin la longe manus dal Guviâr di Parigi, ju strutarin adâtâl a colonie di popolament, e po' Luis XIV, invocant l'edict de Nantes tal 1685, i mandâ lavie i ngondz che scugavin fûr de France par no fâi petenâ la peccate. Tal stes timp i siet dîs sâcios, Colbert e Louvois, cu la lôr pulitiche unitarie e accentrativa, cu lis tassazions fin sui uis, cûn contrôj ancje su l'âjar che chej biât 'e respiravin, ur rindê la vite impuseibil.

Si po' nome cudi comût che i pians Cànada 'e stêvin atenz 'es vîndis de ners dai Siet Agnis? Cund ancje lôr, dal 1763 indavant, 'e poderin gioldi de democratiche libertât che i gnûs parons, i Ingles, ur puartarin. Di diferent però, cûn gnûs parons, a pet dai vîris, al jere nome chest: che prime lis tassis, i dâzis, i contribûz 'e lèvin a finile tes cassis dal Ream francês, e cund invet la strade dai vassj e des fribustis 'e leve drete drete a finile sot da l'ombra de Torate di Londre. E cund 'e poderin imparâ a lôr spês che la libertât 'e a di jessî conquistade cûn propriis comedons, e no cu lis armis di chei altris. (Ancje ch'è de «magistra vîta» a è je une lujanis, se i esemplis storics pôc o nûje 'e an stârvit fin in dî di uê).

Noi covente ricuardâ i movimenz di riviel des tredis colonis americânis cuintri de «nariapatrie», e la

storie dal tât di Boston, e la Declazion di Filadelfia dal 1776, fin a la Pâs di Versalie, e la gnove freolade si canadês, che vîdevin la indipendence di chês altris colonis, e lôr... a bocje sute.

Ah, biadins, che fin in dî di uê 'e an scugut tirâ dâur dal cjariz inglê, cun time oute e une sponte, une rivoluzion interne e un contribû di sanc 'e «cjarie mari»! E le âno piode tal comedon ancje chej pipinêz che favorivin l'antagonismo fra Québec e Toronto, cence capi ch'è frêvin il zûc dai parons!

Fin che, po', si son vîsâz ancje lôr che lis concessions vignudis jû dal orlo di Westminster 'e vèvin nome il fin dal divide et impera: molâ la curade quan'ch'al convên, tirile quan'che nol amêche.

E cussî cund, fantôrs e averaris de Costituzion dal 1867, filo inglê e filomericâns si ron metûz — e 'e jere ore — dacordo: vande cûl «Diminution», 'o volin fâ di besoj. Lis dîs Ciameris 'e an aprovat all'unanimitât — za timp — la gnove lex cu la citadmanze, che jentrâr in vîcôr cul prin di zenâr dal 1867: «cu la speranza — al diâ il preambol — che chesta lex 'e veldi di segnâ il prin pàs vîars un plui fuort sentiment di patriotismo nazional», ch'al ven stâ, lassât de bande l'«enfemism», un prin pàs vîars il distac dai Cànada de situar

zion di Dominio britanic.

'E ti son bielzâ dâur che ti studi la gnove bandiere nazional: e prest ai vignarâ fûr ancje un ino nazional.

La pulitiche accentrativa de France, prime, de Inghiltere, dopo, 'e je lade a finile dâl che no podeve fâ di mancud di lâ a finl. In Italie al sozzedarâ chel istes, dopo che an tant batât il tambûr da l'unitât (miôr al sarê doprâ «unificazione»): e noaltris 'o sperin che i furlans no sêdin tant dordê di lassâ passâ tuac' seccj prin di vîsâs — tan'che i Canadês — che i accentramenz 'e an finit il lôr timp, e ch'al sarê propit di gnûgnos di piardi l'ocasion cund che il fiâr al sbrove.

'O vîn di cuvinzisi che parsore dai partiz, parsore des «filis» di qualunque gjenar, parsore dai sentimentalismos des «utris santis» une sole 'e je la realtât: ch'è de Patrie dal Friul.

S'o rivarin adôr di vîle cund, bon; sênd 'o podin jâ a... comêdâs tai mîez des erdis.

Pipul

Notis sportivis

'E jê lade mal

Pecjât confessât mîez perdonâ, si use dî. E inalore se je cussî di sê subite che domenê passade 'o vîn sbalgjât di grues scrivint che l'Udinese difizilmentri 'e vares fat un tombolon. Invezi a Forl, i furlans, dopo di vî tignûr bordon ai averaris par une vorone di timp, pôs mîndz prime de fin de partide 'e son stâz batûz. Gremês gjavant fûr dal sac une bale — dîsin un sole bale — al a fât gioti mûr a duc' sportis e tifôs.

Piardi une partide par cussî pôc al è di meti un grep sul stomi che nol va nê sê nê jû.

Uê ultime domenê da l'an, i squadre loral 'e sarâ ancjemo in trasfarte: a Pâs. Le trasfarte 'e je di chês che in zergo sportif si amîn difizilistis.

Valâi sperâ in un ootêc comantament dei biancs e neris?

La nestre speranza 'e je grande.

ANGELIN

Ostare Tratorie dal JEUR

Borc di Puscuel 27 - UDIN

Sozietât Anonime

Inz. F. RIBI e C.

vial di Palme 18 - UDIN - Telefon 207

Traspuarz di ogni fate par cont di tiarzis personis

Dipuesit fiduziari di marcanziis e mobij

Autosiarvizis publics di linie

MADALENE

Quan'ch'o viôt un di chei tanc' fantaz che i tirâz sù, mi torne simpri denant dai vôi Madalene.

Parcêche missune muse no mi si è stampade tant a vif tal cjâf come chê di Madalene. Une muse dulà che la vite 'e veve lassât di par il so sogno di strâssis lungis, ceoche poisis.

'E capitave cul' di cjase dispès, Madalene, nassime d'istât, quan' che 'e cjapave sù lis sôs pomis par là a vendi di ca e di là. 'E veve un còs cussî grant, che mi pareve di viodile e sglovasi jù, di tant ch'al veve di pesâj.

Ma 'o sejanjavî qualchi volte, cjatâle ancie là di jê, in tunc cjase nere di cjaun, cul fogolâr las e lis pieris mal cunitudis: il 'e jere uuc file di canaiz, che jo no rivari mai adore di cognôssu duc', di tanc' ch'and'ere. Simpri plens di fan, rangjâz a la miej cu sei — che a noi zovave che Madalene ju scossis fûr di jet di bieie buimore, par lavâju duc' in file, e che frujâs lis gnoa a pontjû.

Massa and'ere! 'O crôt ch'a nol passâs an cence ch'a'ndi metes al mont qualcheidun di gnûf. Une scur ne simpri in vore. 'O scuen impensâsi: 'e veve ancie la scune ch'ande patide e strache de sâ parone. E il canût ch'al durmive dentri nol rivave mai adore di disnovimi un fregul di ligrie, forsit parve di Madalene che, quan'che mi compognave a viodilu si stonzêve la muze tra lis manis cum tunc fâ plui sbatût - dufint.

Ma un dut chest, no jere femine di piardisi di coragjo: un pœ par ca, un pœ par là 'e rivave i tirâ dongje almancoi chel tant ch'al coventave par sbatû indurant la baruch. Magari 'e saltave qualche past, e i pinsir, vie pe gnot, la scussavin, che i fasevin pierdi ancie chês dôs o tre oris di stan.

Po', a fuarze di dâj, cul timp a, lû, 'e rivâ a dispatassâju fûr, i fruz, e fâsi judâ dai plui granc'. Ma no crôt che a Madalene j vanzâz fât par dâj daûr cum mancul cussî no jere cjase di padin la sô. Dai arest, co' i fruz 'e devêtin granc', s'al cale il pinsir de bocjade, 'e vagnu ben dongje un gram di scripui di altre fate, par lôr. E Madalene 'e jere propit nassude par provâ di dut, come ch'al sozzet a qualche creature che par distinate e senti il savôr des robis plui incindios. Ma ce ch'al conte al è di savôr glotîis e di usâ chel biât cûr a batî a piancut, cence che chealtris 'e sintin.

Nome la muse di Madalene 'e pandeve. Qualchi volte, quan'che tornave dal lûc, cui box dal lat, 'e pareve domandâ, cui vôi, al di parê mai ch'al jere jevât un'altra volte a fâ plui lungje la sô fadie.

Al jere un unviarat grintôs in chel an: mai un fregul di sîrbe a dismolâ la criere. Lis feminis 'e vevin dispecolât duc' i prâz, a fuarze di tirâ dongje a fuê a fuê: si lis viodève a buimore jù pes rivis ricamadis di zilugne.

Nome tal ultin blec di prât par sore lis Ruvis dai Lups il patûs al jere ancjemò fis: al pareve fintremai ch'al fos fresc, in chê lûs blancje dal soreli apene jevât.

Madalene 'e sesclave.

— Tu sês in ponte, anime — j

disè une femine che passave ali sot.

— No, ve': 'o mi vuandi!

E si vuardâ pardabon: ma j se meâ di sintisi pojade ben sul dâr. La femine 'e jere bielzâ lontane pe sô strade.

Dut al jere cidin e dut fêr: nome la man di Madalene 'e leve e vigneve sul potûs.

Dut tun colp, il pîr j sbrissâ vie di svôl, che jê no rivâ nancje adore di sintilu; la sô man s'ingrintâ fin a insangandâ te tiare glazzade de ruvis po' si smocâ.

La cjatârin plui tart, dute in tun grum, su la strade, il sot. Al jere soreli, ma un soreli lustru ch'al pareve ch'al fos lui a tignille cjâlde, la puare femine, daspò che la vite j ere sejanpade.

Adalt, insonp de Cueste dai Lups, al jere il còs cu la cjame pronte: i mancjave une grampe sola.

N. A. CJANTARUTE

Abonaisi, abonaisi, abonaisi

Abonaisi, abonaisi, abonaisi

Abonaisi, abonaisi, abonaisi

a "PATRIE DAL FRIUL,"

AL E' IN VENDITE



IL CJAVEDÂL

Lunari de "Patrie dal Friul,"

pal 1947

AL VA MONT IL '46, AL JEVE IL '47. ECO IL MONT JUST PAR PROVIDISI DI UN LUNARIUT DI SEST: SU LA VOLTE DA L'ANADE. DOPO AL

RISCJE DI DEVENTÂ LAI!

PUAR MAI LUI, CHEL CHE LU COMPRE!!!

LA NÊF DI NADÂL

Su lis caravins di Nadâl la nêf no po' mancjâ: 'e je un ingredient indispensabil, massime par cui che lis cjape e si met a leilis e a cjâlâs dongje dal fûc, tal cliput di une cisse ben furnide di ce ch'al covente par fâ fiesis.

— Tornu cheset setemane cu ven. Al po' stâ che si puedin scomenzâ i lavôrs. Nus mandaran di Rome un gram di millions, daûr di ce che si lej su pai sfuejs.

E cussî di setemane in setemane, cu la speranze che si distudave di par di, Tonj Gardel, come tanc' disocupâz furlans, al pierd la stagjon. Sû e jù pes scjalis, fûr e dentri pai nûz, fîs di câ, codis di là, cjartis, firmis suplichis e ricors, fintremi che la femine une di j disè:

— Tonj, viodistu, nu podin plui... Cumò mi cjati, come che tu sâs a fra sis mês 'o varin un altre bocje par dongje. La panarie uide... e cu la blave a quatrini, cemût messedarino polente chest un-

L'au passât il lunari de Società Filologica, presentant a sîc letôr visin da disdire, al prometev di gubâ tele e sartôr e di vigî fûr, par chesin cu la muze e cu la muse gnove.

Si po' ben di ch'è a mantignude la persone. Al po' stâ che a qualcheidun l'ultime mode, sedi de muze, sedi de muse, 'o valî a square mancûl di ch'è viere: il 'e je, quistion di gnoc' e ancie di cût; ma nê la fabriche nê la sartorie no an colpe dai capricis de mode. Il gnûf Strolic al è un biel volant, ben unât, svarîr, ben curât, ben presentât e a bon presî. Ognie pagjin di fast, indûa che si po' gustâ il savôr des feveladis furlans d'ogni parte di Regjon, dal biase di Mantecun e dal gradun, fintremi al longj di campagne atôr di Pordenon, a chel di Bareis o di Andrais, e a chel de Cjargre: un documentari une vore interessant ancie par cont de lingvistiche che studie cum atenzion par chesin lis zonis indûa che dôs lenghis si toja e si mescolin.

Dentri 'o comparissin i nons di vioris cognossis che si prestân cu la schte bieie sîre furlane, tanche amis di lungje dade, e nons di zovûit che il la vôs frosche e gnore a che promet di mantignûl dea impide la lum de Furlane cjapade di man a chei che son vignûz a mancjâ. Erculfu Cosolo el è disegnat cu lo sô manare birtante frontispizis e testadis indûa che il mont furlan al è ridusût a l'espressor plui ande e crude e Santo Candeal al è ritrat, in quadruz fresc e scur, i agjêz plui carateristichis des zonis nostranis.

Si ricuardaiso di Silvio Campagnolo, di chel macjete che in Plazze San Jacun, dongje de glêsie, al vendev il Strolic Furlan e al berlave.

Il Strolic Furlan

Par l'an mûl auscent e...

Cu la sagre di Bolcan

Ex lis pûisîs di Pieri Zorut,

Lis vilotîs di Gjozanin Boudanze,

I segrez des massûris,

Lis bausis des bigulis.

Un caravanzin!

Il che tai ultins agn al regalave ancie un lapissât.

...E un lapis.

Un caravanzin!

Il nestri Campagnolo, nassût a Morsan dal Tisiment il 25 di Mai dal 1866 e muart a Udin (al steve ultimamentri in contrade Taschiut, il 21 il 16 di Mai dal '21, al jere une vore cognossût ancie parve che, dongje dal poz di San Jacun, al veve l'industrie dai glau-lins, che lui al faseve jâ sù e jù in tun veri di aghe, ordenant di scrivi l'avignî su di un blec di cjarte... preparade.

Il lunari ch'al vendev Campagnolo 'o crôt ch'al fôs stât il Strolic Furlan di Tosolin: ma nò pûes garantilu, parcè che sot il non di Strolic lui al faseve ancie passâ il Mago, che al jere stampât da Bardusc: press'a pœ la stesse mignestre.

Il lunariut di Tosolin al sarê, in ciart mût, la continuazion dal Strolic di Bepo Trive (Giuseppe Triva) ch'al veve buteghe in bore di Cussignâ, n. 21-24 paginatis in-12, indûa che su la cuviartine si viodève un ponte dal nestri Palaz (Loggia del Lionello) e dôs sioris cul cûl pustiz, e, tal frontispizi, la nostre Plazze di San Zuan cul Cuarp di Uardie tal e qual che si pû viodilu in ciart lunari, une vorone rara, dal prinziipi dal vot-cent.

Al pâr che Bepo Trive al vehi scomenzât a mandâ fûr il so lunariut dal 1882: ciart al fini cul 1890. Chesê sîc lunari e' son une vore rara, tant al è vôr che nancje i fradis Jop, famôs par savê tirâ dongje dut ce ch'al seveve di furlan, nò rivarin ad ore di meti ad un la racolte complete: a l'auade 1882 e' mancjâ pagjinis e lis anadis 1889 e 1890... si desdaran.

Par completâ la descrizion dal Strolic di Trive 'o dirai ancie che lis primis dôs anadis e' risultin stampadis da Bardusc e che altris da Bepo Seitz. L'auade 1886 puarte sul frontispizi la statue di Re Vittorio, che al la viôt, po' dopo, ancie tal Strolic di Tosol (1892-93). Te ultime pagjine de cuviartine al è riprodut un biât vie cul baston (il "Strolic"), sostituit in seguit da un bulo di zovin, vestît a la furlane e cum tunc rose in bocje.

Il Strolic dal 1892 al ha in Preambul che cussî al scomenze: Implanât dal gran Zorut Continuat dal puar Velen E po' Trive, e po' Plain, Chies Furlans: par so pîrui.

Il brav Strolic dur al ten Continuat da Tusolin...

Difatti il Strolic di Tosolin al tignî dâr fin al gran ribaltun di Cjaurêt. (Cui che fossin Velen e Celest Plain us al dirai a la prossime ocasion).

Dal 1893 'o vin cheset novitât: Tosolin al mande fûr, olti che il "Strolic quondam Bepo Trive", ancie il Strolic Grand, curât da Plain, che però nol à vût fortune: dopo dal 1894 nol saltâ plui fûr. Ancje cheset lunari di Tosolin nê si cjatin plui: te racolte de nestre biblioteche al mancje il 1898 e quasi dutis lis anadis vignûdis fûr dopo dal 1901, cussî che si cjâtisi intrigâz a dâ un judizi sul merit; tant plui, che nò soi rivât ancjemò ad ore di savê cui ch'al lavorâs par cheset lunariut. Dome mi pâr che ta chei di Bepo Trive al vês mitude la so man Bepo Manzin, che tant si ocupave di pelagie, di fors rurai e di ucluz; e ta chei di Tosolin, a di un ciart moment, Celest Plain.

O' finarai un'altra volte il miô discors. Par intant mi raccomandî a qualche vecjo stampadôr par savê qualche cjosse di pusit sui autôr di cheset strolics, e mi raccomandî a duc' i furlans par che procurin di fâ rivâ in Biblioteche lis anadis che mancjan.

TYPE

FARK DE FARCADIZZE

Nadâl

Eco, tai frêl de gnot plene di stelis,
brissâ cadene la int fûr da lis cjasis,
eco tai voli di duc, vecjôs e zovins,
une lampade di lûs clare di gjonde.

E jê la glesie lafê e il cjampantili:
cussî alt e cussî sêr, al par ch'al
stenci
A câs par che no selopi prin da l'ore
la fieste des cjampanis de lignie.

Messe di miezegnot! Dentri de
glesie
l'organo al suna e il predi su l'altâr
al par ch'al scedi tulumind de lûs
d'aur des ejandelis... Ma no jê ch'ê
lûs!

E jê une lûs che ven di là dai secui,
e jê une lûs che ven da uno stâl,
e jê une lûs che ven da un
sintiment,

o jo une lûs che ven da la bonât...

Duc' o sin bogas in chesto gnot
di stelis
e no vin frêl, anje se la glesie
e slussigne tes parais su la strade...
...e il cûr si sglofê e al cjante
e al vai e al rîl...

Nadâl! fieste tant biele dal
prespio,
fieste de messe di miezegnot te lûs
d'aur da la stâl e de stâl dai
Magjôs.
Nadâl, fieste dai bogas, fieste di
duc'!

L'ordê che chesto gjonde cussî
grande
no fîrde mai, parê che a jessi bogas
su chesto tiare sarê il paradîs:
ma dut al passe e al torne prest
il frêl.

Parê parzial Nadâl? Parê la lûs,
parê il cûr no ristino cussî?
Parê?
Permitti stêl, no sta con plus,
fermitti su la stâl de me vite!

LELO

Ai furlans

pal mont

TONI LUNAZ - Evole 15 - NEU-
CHÂTEL (Svizzera).

Par chest carnevâl al sarà dut in
sist. No stâ vè pare di nuje. Il
pajament lu fâs jo diretamentri e
dopo tu mi parache in monede
svizzerse al cambio de zornade.
Bunis fiests e mandî.

SEP

OTTO CARGNELUT - Edv.
Kriegs Alle 475 - OSLO (Nor-
vegje).

Duc' i diptesia 'e son stâz me-
tuz 'e Buncje d'Italie, cence inter-
res: no si pò jevâju fin, ch'a nol
rive un ordî special. Nancje 'e
monede franzeze no si capis anje-
mò nuje: al è stât un an li mès di
jugh ch'o vin fat il versament di
dut. S'o podariu savê alc, ti scri-
varin di lunc. Bon an e mandî.

ERMINIO

MATIE PAULON - Goethestrasse
4615 - ZÜRICH (Svizzera)

Mariute 'e je rivade la vilie di
Nadâl. Grâziis di dut: no corenta-
ve tante robe. Mario e Santine ti
d'ciu mandî e bunis fiests.

To fradi ZELEST

LISEO TAMIN - Pfingstasse 31 -
BASEL (Svizzera).

Viêt a mancâl cul an guûf, pri-
me de viarte, di messedâti par cja-
tlâni di vore, che cûl no si pò plus
tirâle incenant. Mandî

TONI

GHINUTE I KALTERN (Sud-
tirol).

Il barbe cence barbe, cu la fe-
mine e il pizzulat 'e son rivâz a
cjasie intirs e an fat un bon viaz.
Ti ringrazie une vorone di dut, cun
tante gole di tornâ venti su. Kue-
derle e Zelter, no stan sul stomi,
ma ben tal cjât. Mandî.

BEPI

VIGJ CIAN - Longeraie 2 - LAU-
SARNE (Svizzera).

O ai scugut diventâ mai di un
ufizi in ohe altri; e cumò al è cja-
pât fûc dut tal ufizi di Tarcint, co-
me che tu podarâs lèj sui sfuej ch'o
è di mandât. Al tocjarâ fâ un at
noteri e no sai ce anje, parvie
che il Noâr nol vevâ timp di spie-
gâni. Scrive tu diretamentri al dot.
Tent Privât, nodâr a Tarcint.
Mandî.

NETO

VITTORIO CASPARET
diretôr responsabile

Supplente « A. Manuzio » - Udin

Dotôr MARCHI DENTIST

Contrade de Puente (Via Vittorio Venit) Nr. 32

3 PERAULIS

Spezialitât Cafè Hausbrandt brustulât e crût

TRIEST UDIN
GURIZZE Plazze S. Jacum

In plasse dal Gran tal polaz di Kelder Gnove Drogerie di Aldo CRIVELIN & C.

Setemane de scarpe dal cjapiel e de barete UDIN - Plaze dai Grans nr. 3

FASEIT UNE VISITE AI PLUI GRANC' MAGAZINS DAL FRIUL,
CHE VENDIN LA ROBE PLUI A BON PRESI.

Scarpis di omp, duts di corcân 2400 fr	Cjapiel di omp, di feltri 490 fr.
Scarpis par sore " " " 1950 "	Cjapiel di omp, in miez jaur 690 "
Scarpis di omp, gran mode 2900 "	Cjapiel di omp, nuvità 790 "
Scarpis di leuine, gran fusso 2800 "	Capiel di omp, gran marce 990 "
Scarpis par fruz, N 24-26 950 "	Cjapiel di omp, finissim 1100 "
Sorecarpîs par omp, di gome 690 "	Cjapiel di omp, gran fusso 1290 "
Barete par omp e par frut 99 "	Barete par frut, blu 199 "
Barete par omp, nuvità 140 "	Barete di sintôr par omp 250 "
Barete par omp, grande vendite 190 "	Barete di sintôr, in pè 350 "

Al combatenz, militâr, impiegâz, ferrovîrs
riduzion speciâl

Udin - Plazze XX Setembar (Mercjât dai Grans)

dot. FALEX(HH) specialis
MALATIIS DES FEMINIS
E DE PIEL
Contrade Brovedin 6 (tra Plazze
S. Jacum e Contrade Zanon)
10-12,30 - 16-18,30 UDIN

CJASE DI CURE
"ANALGO"
par artritis e reumaticas
UDIN
Rive Bartolia n. 1 - Telef. 1149

Speziarie Colute Plazze Garibaldi - UDIN

Premiade fabriche di Amâr di Udin

L'Amâr di Udin - l'è mâr ma bon:

al jûde il stomi, - la digestion.

Furlans!

BIRE MORET

Munin DISTILARIE FURLANE BURI

Sgnape e licôrs speciâl

Bicicletis

Radios

Machinis par cusi
di ogni marce

DE PUPPI

di GEMOLOTTA

UDIN

Marcjâtvieri 37
tel. 936

Vêso di intenzi

o di nestâ i uestris vistiz?

COMINO

Laboratori: Contrade Mont S
telefon 1652

Recapit: Rive Bartolia tel. 1419

UDIN

Stamperie "A. Manuzio"

Contrade dai Brenars, 26 b
UDIN

Medais sportivis

CONTI

UDIN
Contrade Cavour